

TEKS UCAPAN Y.BHG. NAIB CANSELOR SEMPENA MAJLIS KONVENSYEN  
PATRIOTISME MAHASISWA UTeM 2007

TEMPAT:  
MITC  
AYER KEROH, MELAKA

TARIKH :  
18 OGOS 2007

TEKS UCAPAN Y.BHG NAIB CANSELOR SEMPENA  
KONVENSyen PATRIOTISME MAHASISWA UTeM  
2007, BERTEMPAT DI MITC, AYER KEROH, PADA 18  
OGOS 2007.

BISMILLAHIRRAHMANIRRAHIM

ASSALAMUALAIKUM WRT. WBKTH. DAN SALAM  
SEJAHTERA

Y.B. DATO' DR. ADHAM BIN BABA

SETIAUSAHA PARLIMEN KEMENTERIAN PENGAJIAN  
TINGGI MALAYSIA

Y.BHG. PROF. DR. ABU BIN ABDULLAH

TIMBALAN NAIB CANSELOR (AKADEMIK &  
ANTARABANGSA)

Y.BHG. DATUK PROF. MADYA DR ABU BAKAR BIN  
MOHAMAD DIAH

TIMBALAN NAIB CANSELOR (PENYELIDIKAN &  
INOVASI)

Y.BHG. DATO' PROF. DR. MOHD NOR BIN HUSAIN  
DEKAN HAL EHWAL PELAJAR DAN ALUMNI

PEGAWAI-PEGAWAI KANAN UNIVERSITI,

SETERUSNYA PARA PELAJAR YANG SAYA HORMATI  
SEKALIAN,

TERLEBIH DAHULU MARILAH KITA MENGUCAPKAN  
RASA SYUKUR KE HADRAT ALLAH S.W.T KERANA  
TELAH MEMBERI KEIZINAN KEPADA KITA UNTUK  
BERHIMPUN PADA HARI INI BAGI MENJAYAKAN  
MAJLIS KONVENSyen PATRIOTISME MAHASISWA

UTeM 2007. SEMOGA MAJLIS YANG DIADAKAN INI MENDAPAT KEBERKATAN DARIPADA ALLAH SWT JUA.

SAYA MENGAMBIL KESEMPATAN INI UNTUK MENGUCAPKAN JUTAAN TERIMA KASIH KEPADA YB DATO' DR ADHAM BIN BABA, SETIAUSAHA PARLIMEN KEMENTERIAN PENGAJIAN TINGGI KERANA HADIR PADA MAJLIS INI DAN SETERUSNYA MENYEMPURNAKAN MAJLIS PERASMIAN PENUTUP PROGRAM.

HADIRIN DAN HADIRAT YANG DIHORMATI.

MAJLIS KONVENSYEN INI DIANJURKAN OLEH UTeM PADA SETIAP TAHUN. TUJUANNYA IALAH UNTUK MEMBANGKITKAN PERASAAN SAYANG DAN CINTAKAN TANAH AIR. OLEH SEBAB ITULAH PENGISIAN BAGI KONVENSYEN INI DIISI DENGAN

PEMBENTANGAN DAN UCAPAN YANG BERKISARKAN KEMERDEKAAN, JATI DIRI, INTERGRITI DAN KEMAJUAN YANG DICAPAI OLEH RAKYAT DAN NEGARA MALAYSIA.

PENCERAMAH-PENCERAMAH YANG HADIR ADALAH TERDIRI DARI TOKOH-TOKOH TERNAMA YANG TERDIRI DARI ORANG POLITIK, BADAN NGO, BELIA DAN WAKIL DARI KEMENTERIAN PENGAJIAN TINGGI. SAYA YAKIN MEREKA TELAH MENYAMPAIKAN CERAMAH DAN PENDAPAT DENGAN PENUH SEMANGAT.

HADIRIN DAN HADIRAT SEKALIAN

AKTIVITI SEPERTI INI AMAT PERLU DIADAKAN DALAM USAHA KITA UNTUK MEMBANGKITKAN KESEDARAN DAN SEMANGAT PATRIOTIK MAHASISWA KEPADA NEGARA. SEMALAM, 17 OGOS

2007 KITA JUGA MELANCARKAN PROGRAM YANG SAMA PADA PERINGKAT UNIVERSITI IAITU KEMPEN KIBARKAN JALUR GEMILANG SEMPENA SAMBUTAN BULAN KEMERDEKAAN UNTUK MENYAMBUT ULANG TAHUN KEMERDEKAAN NEGARA YANG KE 50 PADA 31 OGOS INI.

PADA BULAN OGOS INI, PELBAGAI AKTIVITI DIADAKAN TIDAK SAHAJA DI UNIVERSITI TETAPI JUGA PADA PERINGKAT SEKOLAH, JABATAN DAN PERTUBUHAN BAGI MENYEMARAKAN SEMANGAT MENYAMBUT ULANG TAHUN KEMERDEKAAN NEGARA DALAM PELBAGAI CARA.

INI TERMASUKLAH MENAIKKAN SEMANGAT KECINTAAN KEPADA NEGARA MELALUI IKLAN- IKLAN BERKAITAN KEMERDEKAAN DI SURAT KHBAR DAN TELEVISYEN, PENULISAN ARTIKEL DI DADA AKHBAR, LARIAN MERDEKA, DEKLIMASI DAN SEBAGAINYA.

KEMUNCAK PADA AKTIVITI INI IALAH SAMBUTAN DI SELURUH NEGARA PADA MALAM AMBANG KEMERDEKAAN 31 OGOS. WARGA UNIVERSITI DAN SELURUH WARGANEGARA BERHIMPUN UNTUK MENYAKSIKAN ACARA-ACARA KEBUDAYAAN DAN PERSEMBAHAN SEMENTARA MENANTI DETIK TEPAT 12 MALAM, YANG KEMUDIANNYA DIKUTI DENGAN LAUNGAN MERDEKA, PERTUNJUKAN BUNGA API DAN NYANYIAN LAGU KEBANGSAAN.

HADIRIN DAN HADIRAT SEKALIAN

KITA PERLU SEDAR BAHAWA SEMANGAT PATRIOTISME AMAT PENTING DISEMAI PADA SETIAP JIWA RAKYAT MALAYSIA, TERUTAMANYA DI KALANGAN MAHASISWA UNIVERSITI. SEMUA KEJAYAAN YANG DICAPAI OLEH NEGARA HARI INI ADALAH BERKAITAN DENGAN SEMANGAT PATRIOTISME KEPADA NEGARA YANG ADA DI HATI KITA.

GENERASI TERDAHULU MENUNTUT KEMERDEKAAN ADALAH KERANA SEMANGAT UNTUK MEMBEBASAKAN NEGARA DARI BELENGU PENJAJAHAN. IA DIDORONG OLEH SEMANGAT PATRIOTISME UNTUK MELIHAT KEDAULATAN NEGARA INI DIKEMBALIKAN DAN SETERUSNYA MENJADIKAN RAKYAT MALAYSIA SEBAGAI RAKYA YANG BERMARUAH.

PEMIMPIN-PEMIMPIN NEGARA MENYATAKAN SEMANGAT PATRIOTISME MEREKA DENGAN BERUSAHA GIGIH MEMBANGUNKAN EKONOMI NEGARA DI SAMPING MEMASTIKAN POLITIK NEGARA BERADA DALAM KEADAAN STABIL. PEMUAFAKATAN ANTARA KAUM DIBENTUK SUPAYA KITA DAPAT HIDUP DALAM SUASANA AMAN DAN DAMAI.

HADIRIN DAN HADIRAT SEKALIAN

HARI INI, RAKYAT MALAYSIA TELAH BERJAYA MENCIPTA DAN MEREKODKAN BANYAK KEJAYAAN DALAM PELBAGAI BIDANG IAITU ANTARANYA MENAWAN PUNCAK GUNUNG EVEREST, BELAYAR SECARA SOLO MENGELILINGI DUNIA, PENERJUNAN DI KUTUB UTARA DAN SEBAGAINYA.

SEMUA INI DILAKUKAN KERANA KEINGINAN RAKYAT MALAYSIA UNTUK MENGHARUMKAN NAMA NEGARA. KEINGINAN INI SEBENARNYA ADALAH DIDORONG OLEH SEMANGAT PATRIOTISME UNTUK MELIHAT NEGARA MALAYSIA DISEGANI DAN DIHORMATI PADA PERINGKAT ANTARABANGSA.

APABILA KITA MEMPUNYAI SEMANGAT PATRIOTISME, KITA AKAN MELAKUKAN APA SAHAJA SAMA ADA BERKORBAN NYAWA, HARTA DAN MASA DEMI NEGARA. SEORANG AHLI SUKAN YANG DIDORONG DENGAN SEMANGAT PATRIOTISME YANG TINGGI AKAN BERUSAHA BERSUNGGUH-

SUNGGUH UNTUK MENJADI JUARA KERANA NEGARA. BEGITU JUGA SEORANG TENTERA AKAN MEMPERTAHANKAN NEGARA DENGAN BERKORBAN NYAWA.

MANAKALA SEORANG PELAJAR AKAN BELAJAR BERSUNGGUH-SUNGGUH BAGI MENCAPAI KEPUTUSAN YANG BAIK SAMA ADA DALAM BIDANG AKADEMIK MAHUPUN KOKURIKULUM. SEMUANYA INI ADALAH KERANA DORONGAN UNTUK MELIHAT MALAYSIA YANG KITA CINTAI INI MENCAPAI KEJAYAAN.

HADIRIN DAN HADIRAT YANG DIHORMATI

WALAUPUN BEGITU, SEJAK AKHIR-AKHIR INI TERDAPAT GENERASI MUDA YANG TELAH MELUPAKAN SEMANGAT PATRIOTISME KEPADA NEGARA. CONTOH YANG MUDAH, ADA DI

KALANGAN KITA TIDAK BERDIRI SEMASA NYANYIAN NEGARAKU DIMAINKAN. VANDALISME DENGAN MEROSAKKAN KEMUDAHAN AWAM, MEMBAYANGKAN BAHAWA MEREKA TIDAK MENGHORMATI HAK AWAM YANG DISEDIAKAN OLEH KERAJAAN.

BUDAYA BARAT TELAH MENJADI IKUTAN DAN KERUNTUHAN MORAL SEMAKIN MENINGKAT. MEREKA INI TIDAK MEMPUNYAI SEMANGAT PATRIOTISME, KERANA RAKYAT YANG MEMPUNYAI SEMANGAT PATRIOTISME ADALAH RAKYAT YANG BERGUNA DAN MENJAGA MARUAH NEGARA.

HADIRIN DAN HADIRAT SEKALIAN

OLEH ITU SAYA AMAT BERHARAP KONVENSYEN INI TELAH BENAR-BENAR MEMBERI KEFAHAMAN KEPADA MAHASISWA UNTUK MENGUTAMAKAN

KEPENTINGAN NEGARA DENGAN MELETAKKAN SEMANGAT PATRIOTISME PADA TAHAP YANG TINGGI.

MALAYSIA TIDAK BOLEH TERBINA TANPA ADA PENGORBANAN, RASA SYUKUR DAN PERASAAN BERTERIMA KASIH KEPADA NEGARA KERANA DAPAT HIDUP DALAM SUASANA YANG AMAN DAN HARMONI. SEMUA YANG KITA NIKMATI INI ADALAH KERANA SEMANGAT PATRIOTISME YANG TELAH MEMBOLEHKAN KITA MAJU DAN DIHORMATI DUNIA.

AKHIR KATA SAYA MENGAMBIL KESEMPATAN INI UNTUK MENGUCAPKAN BERBANYAK TERIMA KASIH KEPADA SEMUA YANG TERLIBAT MENJAYAKAN KONVENSYEN INI DAN SEMOGA IA MENCAPAI OBJEKTIFNYA.

SEKIAN, WABILLAHITAUFIK WAL HIDAYAH WSM WBT.